

7 февраля 2026. Святитель Григорий Богослов

3-й час

Священник: Благословен Бог наш всегда, ныне и присно, и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, **(12 раз)**

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Царёви и Богу нашему.

Псалмы

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретеся во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящи мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от малых от земли, раздели я в животы их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внемда явити ми ся славе Твоей.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо вси терпящи Тя не постыдятся. Да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мои. Призри на мя и помилуй мя,

яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобиви и правии прилеплюся мне, яко потерпех Тя, Господи. Избави, Боже, Израиля от всех скорбей его.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от крове, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожгаемая: тогда возложат на олтарь Твой тельцы.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу, и Сыну, и Святому Духу.

Тропарь свт. Григория Богослова, глас 1

Пастырская свирель Богословия твоего/ риторов победи трубы,/ якоже бо глубины духа изыскавшу,/ и доброты вещания приложишася тебе./ Но моли Христа Бога, отче Григорие,/ спастися душам нашим.

Чтец: И ныне, и присно, и во веки веков. Аминь.

Богородичен: Богородице, Ты еси лоза истинная, / возрастившая нам
Плод животá, / Тебе молимся: / молися, Владычице, со святыми апосто-
лы / помилovati души наша.

Господь Бог благословен, / благословен Господь день дне, / поспешит
нам Бог спасений наших, / Бог наш, Бог спасти.

Святой Боже, Святой Крепкий, Святой Безсмертный, помилуй нас. **(Три-
жды)**

Слава Отцу и Сыну и Святому Духу, и ныне и присно и во веки веков.
Аминь.

Пресвятая Троице, помилуй нас; Господи, очисти грехи наша; Владыко,
прости беззакония наша; Святой, посети и исцели немощи наша, имене
Твоего ради.

Господи, помилуй. **(Трижды)**.

Слава Отцу и Сыну и Святому Духу, и ныне и присно и во веки веков.
Аминь.

Отче наш, Иже еси на небесах! Да святится имя Твое, да придет Цар-
ствие Твое, да будет воля Твоя, яко на небеси и на земли. Хлеб наш на-
сущный даждь нам днесь; и остави нам долги наша, якоже и мы остав-
ляем должником нашим; и не введи нас во искушение, но избави нас от
лукаваго.

Священник: Яко Твое есть Царство и сила и слава Отца и Сына и Святого Ду-
ха, ныне и присно и во веки веков.

Чтец: Аминь.

Кондак

Кондак свт. Григория Богослова, глас 3

Богословным языком твоим сплетения риторская разрушивый, славне, /
православия одеждею, свыше истканною, Церковь украсил еси, / юже и
носящи, с нами зовёт, твоими чады: / радуйся, отче, / Богословия уме
крайнейший.

Господи, помилуй **(40 раз)**.

Иже на всякое время и на всякий час, на Небеси и на земли, покланяемый
и славимый, Христэ Боже, Долготерпеливе, Многомилостиве, Много-
благоутробне, Иже праведныя любяи и грешныя милуяи, Иже вся зовый
ко спасению обещания ради будущих благ. Сам, Господи, прими и наша

в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очи́сти, помышле́ния испра́ви, мы́сли очи́сти и изба́ви нас от вся́кия ско́рби, зол и боле́зней, оградí нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди, поми́луй *(Трижды)*.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Честне́йшую Херуві́м / и сла́внейшую без сравне́ния Серафі́м, / без ислéния Бо́га Сло́ва ро́ждшую, / су́щую Богоро́дицу, Тя велича́ем.

И́менем Госпо́дним благослови́, о́тче.

Священник: Моли́твами святы́х о́тец на́ших, Го́споди, Иису́се Христé, Бо́же наш, поми́луй нас.

Чтец: Ами́нь.

Молитва святого Мардария

Влады́ко Бо́же О́тче Вседержі́телю, Го́споди Сы́не Единоро́дный Иису́се Христé, и Святы́й Ду́ше, Еди́но Божество́, Еди́на Си́ла, поми́луй мя, грéшного, и и́миже ве́си судьба́ми, спаси́ мя, недостойного раба́ Твоего́, я́ко благослове́н еси́ во ве́ки веко́в, ами́нь.

6-й час

Чтец: Прииді́те, поклоні́мся Царе́ви на́шему Бо́гу.

Прииді́те, поклоні́мся и припаде́м Христу́, Царе́ви на́шему Бо́гу.

Прииді́те, поклоні́мся и припаде́м Самому́ Христу́, Царе́ви и Бо́гу на́шему.

Псалмы

Псалом 53

Бо́же, во і́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чу́ждии воста́ша на мя и кре́пцыи взыска́ша ду́шу мою́, и не предложи́ша Бо́га пред собо́ю. Се бо Бог помога́ет ми, и Госпо́дь засту́пник души́ мое́й. Отврати́т злая́ враго́м мо́им, истиною Твое́ю потреби́ их. Во́лею пожру́ Тебе́, испове́мся і́мени Твоему́, Го́споди, я́ко блага́, я́ко от вся́кия печа́ли изба́вил мя еси́, и на враги́ моя́ воззрэ́ око́ мое́.

Псалом 54

Внуші́, Бо́же, моли́тву мою́ и не прѣзри моле́ния моего́. Вонми́ ми и услы́ши мя: возскорбѣх печа́лию моею́ и смято́хся. От гла́са вра́жия и от стужѣ́ния грѣшника, яко́ уклони́ша на мя беззако́ние и во гнѣ́ве враждова́ху ми. Сѣрдце моѐ смяте́ся во мне и боя́знь сме́рти нападе́ на мя. Страх и трѣ́пет прииде́ на мя и покры́ мя тьма. И рех: кто́ даст ми криле́, яко́ голу́бине? И полещу́, и почию́? Се удали́хся бѣ́гая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: яко́ ви́дех беззако́ние и пререка́ние во гра́де. Днем и но́щию обы́дет ѝ по стена́м его́. Беззако́ние и труд посреде́ его́ и неправда. И не оскуде́ от стогн его́ ли́хва и лесьть. Яко́ а́ще бы враг поноси́л ми, претерпе́л бых у́бо, и а́ще бы ненави́дяй мя на мя́ велерече́вал, укрѣ́ил бых ся от него́. Ты же, челове́че равноду́шне, влады́ко мой и зна́емый мой, ѝже купно наслажда́лся еси́ со мно́ю бра́шен, в дому́ Бо́жии ходи́хом единомышле́нием. Да придет же сме́рть на ня, и да сні́дут во ад жи́ви, яко́ лука́вство в жили́щах их, посреде́ их. Аз к Бо́гу воззва́х, и Го́сподь услы́ша мя. Вѣ́чер и зау́тра, и полудне́ повѣ́м, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, яко́ во мно́зе бя́ху со мно́ю. Услы́шит Бог и смири́т я, Сый прѣ́жде век. Несть бо им изменѣ́ния, яко́ не убоя́шася Бо́га. Простре́ ру́ку свою́ на воздая́ние, оскверни́ша завет Его́. Раздели́шася от гнѣ́ва лица́ Его́, и прибли́жишася сердца́ их, умя́кнуша словеса́ их па́че е́леа, и та суть стрѣ́лы. Возвѣрзи на Го́спода печа́ль твою́, и Той тя препита́ет, не даст в век молвы́ пра́веднику. Ты же, Бо́же, низведе́ши их во студенѣ́ц истле́ния, му́жие крове́й и льсти не преполова́ят дней сво́их. Аз же, Го́споди, упова́ю на Тя.

Псалом 90

Живы́й в по́мощи Вы́шняго, в кро́ве Бо́га небѣснаго водвори́тся. Рече́т Го́сподеви: Засту́пник мой еси́ и прибе́жище моѐ, Бог мой, и упова́ю на Него́. Яко́ Той изба́вит тя от се́ти лóвчи и от словесе́ мятѣ́жна, плещма́ Сво́йма осенит́ тя, и под криле́ Его́ наде́ешися: ору́жием обы́дет тя ѝстина Его́. Не убой́шися от стра́ха но́щнаго, от стрелы́ летя́щия во дни, от вѣ́щи во тьме преходя́щия, от сря́ща и бе́са полуденнаго. Падѣ́т от страны́ твоея́ ты́сяща, и тьма одесну́ю тебе́, к тебе́ же не прибли́жится, оба́че очима́ тво́йма смóтриши и воздая́ние грѣшников ѝзриши. Яко́ Ты, Го́споди, упова́ние моѐ, Вы́шняго положи́л еси́ прибе́жище твоѐ. Не придет к тебе́ зло, и рана́ не прибли́жится телеси́ твоему́, яко́ А́нгелом Сво́им заповѣ́сть о тебе́, сохра́нити тя во всех путѣ́х тво́их. На рукахъ во́змут тя, да не когда́ преткне́ши о ка́мень но́гу твою́, на а́спида и васили́ска насту́пиши, и попере́ши льва и зми́я. Яко́ на Мя упова́, и изба́влю ѝ, покрыву́ ѝ, яко́ позна́

имя Моё. Воззовет ко Мне, и услышу его, с ним есмь в скорби, изму его и прославлю его, долготою дний исполню его и явлю ему спасение Моё.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу, и Сыну, и Святому Духу.

Тропарь свт. Григория Богослова, глас 1

Пастырская свирель Богословия твоего / риторов победы трубы, / якоже бо глубины духа изыскавшу, / и доброты вещания приложишася тебе. / Но моли Христа Бога, отче Григорие, / спастися душам нашим.

Чтец: И ныне, и присно, и во веки веков. Аминь.

Богородичен: Яко не имамы дерзновения за премногия грехи наша, / Ты иже от Тебе Родшагоя моли, Богородице Дево, / много бо может мольба Матернее ко благосердию Владыки. / Не презри грешных мольбы, Всечистая, / яко милостив есть и спасти могый, / Иже и страдати о нас изволивый.

Скоро да предварят ны щедроты Твоя, Господи, / яко обнищавом зело; / помози нам, Боже, Спасе наш, / славы ради Имене Твоего, Господи, избави нас / и очисти грехи наша, Имене ради Твоего.

Святой Боже, Святой Крепкий, Святой Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Кондак

Кондак свт. Григория Богослова, глас 3

Богословным языком твоим сплетения риторская разрушивый, славне, / православия одеждею, свыше истканною, Церковь украсил еси, / юже и носящи, с нами зовёт, твоими чады: / радуйся, отче, / Богословия уме крайнейший.

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй (Трижды).

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим / и славнейшую без сравнения Серафим, / без ислечения Бога Слова рождшую, / сущую Богородицу, Тя величаем.

Именем Господним благослови, отче.

Священник: Молитвами святых отец наших, Господи, Иисусе Христэ, Боже наш, помилуй нас.

Чтец: Аминь.

Молитва свт. Василия Великого

Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных,

благодáрственныя сiя и молéбныя молiтвы и избáви нас от всякаго всегубiтельнаго и мрачнаго прегрешéния и всех озлóбити нас iщущих вiдимых и невiдимых враг. Пригвоздi страху Твоему плóти нáша и не уклонi сердец нáших в словесá или помышлéния лукавствiя, но любóвию Твоею уязви дúши нáша, да, к Тебé всегда взирающе и éже от Тебé светом наставляеми, Тебé, непристúпнаго и присносúщнаго зряще Свёта, непрестáнное Тебé исповéдание и благодарéние возсылаём, Безначáльному Отцу со Единорóдным Твоим Сыном и Всесвятým, и Благим, и Животворящим Твоим Дúхом ныне, и присно, и во вéки векóв, амiнь.

Божественная Литургия свт. Иоанна Златоуста

Литургия оглашенных

Диакон: Благослови, владыко.

Священник: Благословéно Цáрство Отца и Сына, и Святаго Дúха, ныне и присно, и во вéки векóв.

Лик: Амiнь.

Ектения великая

Диакон: Мiром Гóсподу помóлимся.

Лик: Гóсподи, помiлуй.

Диакон: О свiшнем мiре и спасéнии душ нáших, Гóсподу помóлимся.

Лик: Гóсподи, помiлуй.

Диакон: О мiре всего мiра, благостоянии святýх Бóжиих церквéй и соединéнии всех, Гóсподу помóлимся.

Лик: Гóсподи, помiлуй.

Диакон: О святém храме сем и с вéрою, благоговéнием и страхом Бóжиим входящих в онь, Гóсподу помóлимся.

Лик: Гóсподи, помiлуй.

Диакон: О Великом Господiне и отце нáшем, Святéйшем Патриáрхе Кирилле, честнém пресвiтерстве, во Христé диаконстве и о всем причте и людех, Гóсподу помóлимся.

Лик: Гóсподи, помiлуй.

Диакон: О Богохранiмей странé нáшей, властéх и воинстве ея, Гóсподу помóлимся.

Лик: Гóсподи, помíлуй.

Диакон: О граде сем, всяком граде, странé и véрою живúщих в нíх, Гóсподу помóлимся.

Лик: Гóсподи, помíлуй.

Диакон: О блага́растворéнии воздúхов, о избóилии плодóв земнýх и врéменех мíрных, Гóсподу помóлимся.

Лик: Гóсподи, помíлуй.

Диакон: О пла́вающих, путешéствующих, недúгующих, стра́ждущих, пленéнных и о спасéнии их, Гóсподу помóлимся.

Лик: Гóсподи, помíлуй.

Диакон: О избáвителии нам от всякия скóрби, гнéва и нýжды, Гóсподу помóлимся.

Лик: Гóсподи, помíлуй.

Диакон: Заступí, спасí, помíлуй и сохрани́ нас, Бóже, Твоéю благодáтию.

Лик: Гóсподи, помíлуй.

Диакон: Пресвятúю, Пречíстую, Преблагословéнную, Слáвную Влады́чицу нáшу Богорóдицу и Приснодéву Марíю со всéми святы́ми помянúвше, сáми себé и друг дрúга, и весь живóт наш Христú Бóгу предад́им.

Лик: Тебé, Гóсподи.

И священник возглашает: Яко подобáет Тебé всякая слáва, честь и покло́нение, Отцú, и Сýну, и Свято́му Дúху, ны́не и прíсно, и во вéки веко́в.

Лик: Амíнь.

Диакон же, поклонившись, отходит от своего места и стоит перед иконой Спасителя, держа орарь тремя перстами правой руки.

Первый изобразительный антифон

1 Лик: Благословí, душé моя, Гóспода. / Благословéн есí, Гóсподи. / Благословí, душé моя, Гóспода, / и вся внúтренняя моя Ё́мя святоé Егó.

2 Лик: Благословí, душé моя, Гóспода, / и не забывáй всех воздая́ний Егó.

1 Лик: Очища́ющего вся беззакóния твоя́, / исцеля́ющего вся недúги твоя́.

2 Лик: Избавля́ющего от истлéния живóт твой, / венча́ющего тя мíлостию и щедрóтами.

1 Лик: Исполня́ющего во благíх желáние твоё: / обновíтся, я́ко óрля, ю́ность твоя́.

2 Лик: Щедр и мѣлостив Господь, / долготерпелив и многомѣлостив.

1 Лик: Благослови, душе моя, Господа, / и вся внутренняя моя Имя святое Его. / Благословен еси, Господи.

По окончании антифона, став на обычном месте и поклонившись, диакон возглашает:

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

И священник возглашает: Яко Твоя держава, и Твое есть Царство и сила и слава, Отца и Сына и Святаго Духа, ныне и присно и во веки веков.

Лик: Аминь.

Второй изобразительный антифон

1 Лик: Хвали, душе моя, Господа. / Восхваляю Господа в животѣ моем, / пою Богу моему, дондеже есмь.

2 Лик: Не надейтесь на князи, на сыны человеческия, / в нихже несть спасения.

1 Лик: Изыдет дух его, / и возвратится в землю свою: / в той день погибнут вся помышления его.

2 Лик: Блажен, емуже Бог Иаковль помощник его, / упование его на Господа Бога своего.

1 Лик: Сотворшаго небо и землю, / море и вся, яже в них.

2 Лик: Хранящаго истину в век, / творящаго суд обидимым, / дающаго пищу алчущим.

1 Лик: Господь решит окованныя, / Господь умудряет слепцы.

2 Лик: Господь возводит низверженныя, / Господь любит праведники.

1 Лик: Господь хранит пришельцы, / сира и вдову примет, / и путь грешных погубит.

2 Лик: Воцарится Господь во век, / Бог твой, Сионе, в род и род.

Лик: Слава Отцу и Сыну и Святому Духу, и ныне и присно и во веки веков. Аминь.

Песнь Господу Иисусу Христу

Лик: Единородный Сыне и Слове Божий, Безсмертен Сый / и изволивый спасения нашего ради / воплотится от Святыя Богородицы и Приснодевы Марии, / непреложно вочеловечивыйся, / распныйся же, Христе Боже, смертию смертью поправый, / Един Сый Святыя Троицы, / прославляемый Отцу и Святому Духу, спаси нас.

По окончании антифона, став на обычном месте и поклонившись, диакон возглашает:

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Иже общия сия и согласныя даровавый нам молитвы, иже и двема или трем согласующимся о имени Твоем прошения подати обещаваый, Сам и ныне раб Твоих прошения к полезному исполни, подай нам и в настоящем веке познание Твоея истины, и в будущем живот вечный даруя.

И священник возглашает: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Здесь открываются Царские врата на малый вход.

Блаженны, третий изобразительный антифон

1 Лик: Во Царствии Твоем помяни нас, Господи, / егда приидеши, во Царствии Твоем.

На 12

1 Лик: Блажени нищии духом, / яко тех есть Царство Небесное.

2 Лик: Блажéни плачу́щи, / я́ко т́ии утéшатся.

на 10:

1 Лик: Блажéни крóтци, / я́ко т́ии наслéдят зéмлю.

2 Лик: Блажéни алчу́щи и жа́ждущи прáвды, / я́ко т́ии насы́тятся.

на 8:

1 Лик: Блажéни м́лостивии, / я́ко т́ии пом́ловани б́дут.

2 Лик: Блажéни ч́истии сéрдцем, / я́ко т́ии Бóга ўзрят.

на 6:

1 Лик: Блажéни миротвóрцы, / я́ко т́ии сýнове Бóжии нареку́тся.

2 Лик: Блажéни изгнáни прáвды рáди, / я́ко тех есть Цáрство Небéсное.

на 4:

1 Лик: Блажéни естé, егдá понóсят вам, / и изжену́т, и реку́т всяк зол глаго́л на вы, лжу́ще Менé рáди.

2 Лик: Рáдуйтесь и весел́йтесь, / я́ко мзда вáша мнóга на Небесéх.

Малый вход с Евангелием

Диакон: Гóсподу помóлимся.

Лик: Гóсподи, пом́луй.

Диакон: Благослов́и, владýко, святýй вход.

Священник, благословляя, произносит: Благословéн вход святýх Тво́их, всегдá, нýне и пр́сно, и во вéки векóв.

Затем диакон подает священнику для целования св. Евангелие.

По окончании последнего тропаря, диакон, став впереди священника в Царских вратах, выходит св. Евангелие и, показывая его народу возглашает громогласно:

Премýдрость, прóсти.

И, сотворив поклон, входит в св. алтарь, а за ним и священник. Диакон кладет св. Евангелие на св. престол.

Входное

Приид́ите, поклон́мся и припадéм ко Христý. / Спас́и ны, Сýне Бóжий, / во святых Дивен сый, пою́щая Ти:// аллилу́ия. **Единожды.**

Затем лик поет тропари и кондаки по уставу.

Тропари по входе (в храме Господском и Богородицы)

Тропарь храма.

Тропарь свт. Григóрия Богослова, глас 1

Па́стырская свирéль Богослóвия твоегó/ рíторов победí
трубы́,/ я́коже бо глубины́ дýха изыска́вшу,/ и добрóты ве-
щáния приложíшася тебе́./ Но моли́ Христа́ Бóга, óтче Гри-
гóрие,// спастíся душáм нáшим.

Слáва Отцú, и Сýну, и Святóму Дýху.

Кондак свт. Григóрия Богослова, глас 3

Богослóвным язýком твоим сплетéния рíторская разруши́-
вый, сла́вне,/ правосла́вия оде́ждею, свýше исткáнною,
Цéрковь украсил еси́,/ ю́же и нося́щи, с нáми зовéт, твоими
ча́ды:/ ра́дуйся, óтче,// Богослóвия úме крайнейший.

И нýне, и прíсно, и во вéки векóв. Амíнь.

Кондак храма.

Тропари по входе (в храме святого)

Тропарь храма.

Тропарь свт. Григóрия Богослова, глас 1

Па́стырская свирéль Богослóвия твоегó/ рíторов победí
трубы́,/ я́коже бо глубины́ дýха изыска́вшу,/ и добрóты ве-
щáния приложíшася тебе́./ Но моли́ Христа́ Бóга, óтче Гри-
гóрие,// спастíся душáм нáшим.

Кондак храма.

Сла́ва Отцу́, и Сы́ну, и Свято́му Ду́ху.

Кондак свт. Григория Богослова, глас 3

**Богосло́вным язы́ком твои́м сплетёния ри́торская разруши́-
вый, сла́вне,/ правосла́вия оде́ждею, свѣше истка́нною,
Цѣрковь украси́л еси́,/ ю́же и нося́щи, с на́ми зовет, твои́ми
ча́ды:/ ра́дуйся, о́тче, // Богосло́вия у́ме кра́йнейший.**

И ны́не, и прѣсно, и во ве́ки веко́в. Ами́нь.

Кондак Пресвятой Богородице, глас 6

**Предста́тельство христиа́н непосты́дное,/ ходата́йство ко
Творцу́ непрело́жное,/ не прѣзри грѣшных моле́ний гла́сы,
но предвари́, я́ко Благая́, на по́мощь нас,/ ве́рно зову́щих
Ти:/ ускори́ на моли́тву и потщи́ся на умоле́ние, // пред-
ста́тельствующи прѣсно, Богоро́дице, чту́щих Тя.**

*По окончании последнего кондака диакон выходит из Царских врат и, сперва показывая орарем на икону Христа, возглашает: Гóсподи, спаси́ благочестѣ-
выя.*

Лик: Гóсподи, спаси́ благочестѣвыя.

Диакон: И услы́ши ны.

Лик: И услы́ши ны.

**Также диакон обводит орарем стоящих во храме, возглашая к ним гро-
могласно:**

И во ве́ки веко́в.

Лик: Ами́нь.

Трисвятое

Лик: Святы́й Бо́же, / Святы́й Кре́пкий, / Святы́й Безсме́ртный, поми́луй нас. *(Трижды)*.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Святы́й Безсме́ртный, поми́луй нас.

Святы́й Бо́же, / Святы́й Кре́пкий, / Святы́й Безсме́ртный, поми́луй нас.

В алтаре

Во время пения священник и диакон и сами читают Трисвятое, совершая и три поклона перед св. престолом.

Диакон: Повелі, владыко.

Священник: Благословен грядый во имя Господне.

Диакон: Благослови, владыко, Горний престол.

Священник же, благословляя горнее место: Благословен еси на престоле славы Царствия Твоего, Седяй на Херувимех, всегда, ныне и прісно, и во веки веков.

Чтение Апостола

По окончании Трисвятого диакон, возглашает: Вонмем.

Священник: Мир всем.

Чтец: И духови твоему.

Диакон: Премудрость.

Пятница. Прокимен дня

Чтец: Прокимен, глас 1: Уста моя возглаголют премудрость, / и поучение сердца моего разум.

Лик: Уста моя возглаголют премудрость, / и поучение сердца моего разум.

Чтец: *Стих:* Господь воцарися, да гневаятся людие.

Лик: Уста́ моя возглаго́лют премудро́сть, / и поуче́ние се́рдца моего́ ра́зум.

Суббота. Прокимен дня

Чтец: Прокимен, глас 8: Веселите́ся о Го́споде, / и ра́дуйтесь, пра́веднии.

Лик: Веселите́ся о Го́споде, / и ра́дуйтесь, пра́веднии.

Диакон: Премудро́сть.

Во время пения прокимна и чтения Апостола диакон кадит престол, алтарь, служащих, а также иконостас и весь народ.

И чтец надписание Апостола: К Коринфяном послания святаго Апостола Пávла чтéние.

И паки диакон: Вóннем.

свт. Григория Богослова, архиепископа Константинопольского:

Зачало 151 Ноемвриа 17, святому Григорию. (1Кор.12:7-11)

Бра́тие, кому́ждо даётся явлéние Дúха на пользу. Óвому бо Дúхом даётся слóво премудро́сти, ино́му же слóво ра́зума, о то́мже Дúсе, друго́му же ве́ра, те́мже Дúхом, ино́му же дарова́ния исцелéний, о то́мже Дúсе. Дру́гому же де́йствия сил, ино́му же проро́чество, друго́му же рассу́ждения духо́вом, ино́му же ро́ди язы́ков, друго́му же сказа́ния язы́ков. Вся же сия де́йствует еди́н и то́йжде Дух, разделя́я вла́стию коему́ждо я́коже хо́щет.

Рядовое:

Зачало 295 В субботу 34-ю. (2Тим.3:1-9)

Ча́до Тимофе́е, си́е веждь, я́ко в послéдния дни настанут времена́ лю́та. Бúдут бо челове́цы самолю́бцы, сребролю́бцы, велича́ви, го́рды, ху́льницы, родите́лем противя́щиеся, неблагода́рни, непра́ведни, нелюбо́вни, неприми́рительни, продéрзиви, возносли́ви, прелага́тае, клеветни́цы, невозде́ржницы, некро́тцы, неблаголю́бцы, преда́теле, на́гли, напыще́ни, сластолю́бцы па́че неже́ли боголю́бцы, иму́щии о́браз благоче́стия, си́лы же е́го отвéргшиися. И сих отвраща́йся. От сих бо суть поныря́ющие в до́мы и пленя́ющие жени́ща отягоще́ны греха́ми, водимы́ похоты́ми различны́ми, всегда́ уча́щаяся и николи́же в ра́зум и́стины приити́ могу́ща. Я́коже Ианни́й и Иамври́й противиста́ся Моисе́ю, та́кожде и сии противля́ются и́стине, челове́цы растле́нни умом и неиску́сни о ве́ре. Но не преуспе́ют бо́лее: безумие бо их явлéно бу́дет всем, я́коже и о́нех бысть.

Священник: Мир ти.

Чтец: И дѹхови твоємѹ.

Диакон: Премѹдрость.

Чтец: Аллилу́иа. Аллилу́иа. Аллилу́иа, глас 2.

Аллилуиарий свт. Григория Богослова, архиепископа Константинопольского

Чтец: Внемліте, лю́дие мой, закѡну моемѹ, приклоніте ѹхо ва́ше во гла-
го́лы уст мойх.

Лик: Аллилу́иа. Аллилу́иа. Аллилу́иа.

Суббота. Аллилуиарий дня

Чтец: Возва́ша пра́веднии, и Господь услы́ша их, и от всех скорбе́й их
изба́ви их.

Лик: Аллилу́иа. Аллилу́иа. Аллилу́иа.

Чтец: *Стих:* Мно́ги скѡрби пра́ведным, и от всех их изба́вит я́ Господь.

Лик: Аллилу́иа. Аллилу́иа. Аллилу́иа.

Чтение Евангелия

Диакон: Благослові, влады́ко, благовестітеля свята́го Апѡстола и Еванге-
ліста Ио́анна.

Священник, осеняя его крестным знаменем, произносит: Бо́г, моли́твами
свята́го, сла́внаго, всехва́льнаго Апѡстола и Евангеліста Ио́анна, да да́ст тебе́
глаго́л благовествѹюще́му сілою мно́гою во исполне́ние Ева́нгелия Возлю́б-
леннаго Сы́на Своего́, Го́спода на́шего Иису́са Христа́.

И подает ему святое Евангелие.

Диакон: Амѣнь.

Священник: Премѹдрость, прѡсти, услы́шим свята́го Ева́нгелия. *Таже:* Ми́р
всѣм.

Лик: И дѹхови твоємѹ.

Диакон: От Ио́анна свята́го Ева́нгелия чтѣние.

Лик: Сла́ва Тебе́, Го́споди, сла́ва Тебе́.

Священник: Во́нмем.

свт. Григория Богослова, архиепископа Константинопольского:

Евангелие от Иоанна, зачало 36. Святителем на литургии. (Ин.10:9-16)

Рече Господь ко пришедшим к Немю иудеем: Аз есмь дверь, Мною аще кто внидет, спасется, и внидет, и изыдет, и пажить обрящет. Тать не приходит, разве да украдет, и убиет, и погубит, Аз приидох, да живот имут и лишше имут. Аз есмь пастырь добрый, пастырь добрый душу свою полагает за овцы. А наемник, иже несть пастырь, емуже не суть овцы своя, видит волка грядуща и оставляет овцы, и бегает, и волк расхитит их, и распудит овцы. А наемник бежит, яко наемник есть и нерадит о овцах. Аз есмь пастырь добрый, и знаю Моя, и знают Мя Моя. Якоже знает Мя Отец, и Аз знаю Отца, и душу Мою полагаю за овцы. И ины овцы имам, яже не суть от двора сего, и тья Ми подобает привести, и глас Мой услышат, и будет едино стадо, и един Пастырь.

Рядовое:

Евангелие от Луки, зачало 103. Суббота 34-я недели. (Лк.20:45-21:4)

Рече Господь Своим учеником: внемлите себе от книжников хотящих ходити во одеждах и любящих целования на торжищих и председания на сонмищах и преждезвания на вечерах, иже скупают домы вдовиц и виною далече молятся, сии приимут лишше осуждение. Возрев же виде вметающия в храм набдящий имения дары своя богатыя. Видев же и некую вдовицу убогу вметающую ту две лепте, и рече: воистинну глаголю вам, яко вдовица сия убогая множае всех вверже, вси бо сии от избытка своего ввергоша в дары Божии, сия же от лишения своего все житие, еже име, вверже.

Священник: Мир ти, благовествующему.

Лик: Слава Тебе, Господи, слава Тебе.

Сугубая ектения

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды)*.

Диакон: Ещё молимся о Великом Господине и Отце нашем Святейшем Патриархе Кирилле, и всей во Христе братии нашей.

Лик: Господи, помилуй *(трижды)*.

Диакон: Ещё молимся о Богохранимей стране нашей, властях и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй *(трижды)*.

Диакон: Ещё молимся о блаженных и приснопамятных создателях святого храма сего, и о всех преждепочивших отцах и братьях, zde лежащих и повсюду, православных.

Лик: Господи, помилуй *(трижды)*.

Диакон: Ещё молимся о милости, жизни, мире, здравии, спасении, посещении, прощении и оставлении грехов рабов Божиих, братии святого храма сего.

Лик: Господи, помилуй *(трижды)*.

Диакон: Ещё молимся о плодоносящих и добродетельных во святом и всечестном храме сем, труждающихся, поющих и предстоящих людях, ожидающих от Тебя великия и богатыя милости.

Лик: Господи, помилуй *(трижды)*.

И священник возглашает: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Если будет приношение о усопших, диакон или священник произносит следующую ектению:

Заупокойная ектения

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды)*.

Диакон: Ещё молимся о упокоении душ усопших рабов Божиих *(имярек)*, и о еже простится им всякому прегрешению, вольному же и невольному.

Лик: Господи, помилуй *(трижды)*.

Диакон: Яко да Господь Бог учинит души их, идеже праведнии упокоются.

Лик: Господи, помилуй *(трижды)*.

Диакон: Милости Божия, Царства Небеснаго, и оставления грехов их, у Христа безсмертнаго Царя и Бога нашего просим.

Лик: Подáй, Гóсподи.

Диакон: Гóсподу помóлимся.

Лик: Гóсподи, помíлуй.

Священник возглашает: Яко Ты еси воскресение и живот и покой усопших раб Твоих, (*имярек*), Христэ Бóже наш, и Тебé славу возсылаем, со безначальным Твоим Отцём, и пресвятým и благím и животворящим Твоим Дúхом, ныне и прíсно, и во вéки векóв.

Лик: Амíнь.

Ектения об оглашенных

Диакон: Помолíтся, оглашённии, Гóсподеви.

Лик: Гóсподи, помíлуй.

Диакон: Вёрнии, о оглашённых помóлимся, да Господь помíлуе их.

Лик: Гóсподи, помíлуй.

Диакон: Огласíт их слóвом íстины.

Лик: Гóсподи, помíлуй.

Диакон: Открýет им Евáнгелие правды.

Лик: Гóсподи, помíлуй.

Диакон: Соединíт их святéй Своёй собóрней и апóстольстей Цёркви.

Лик: Гóсподи, помíлуй.

Диакон: Спасí, помíлуй, заступí и сохрани́ их, Бóже, Твоёю благодáтию.

Лик: Гóсподи, помíлуй.

Диакон: Оглашённии, главы вáша Гóсподеви приклонíte.

Лик: Тебé, Гóсподи.

Возглас: Да и тii с нáми слáвят пречестнóе и великолéпое íмя Твоё, Отцá, и Сына, и Святáго Дúха, ныне и прíсно, и во вéки векóв.

Лик: Амíнь.

Литургия верных

Диакон: Елицы оглашённии, изыдите, оглашённии изыдите, елицы оглашённии изыдите. Да никто от оглашённых, елицы вёрнии, пáки и пáки мiром Гóсподу помóлимся.

Лик: Гóсподи, помíлуй.

Заступí, спасí, помíлуй и сохрани́ нас, Бóже, Твоёю благодáтию.

Лик: Гóсподи, помíлуй.

Диакон: Премúдрость.

Священник возглашает: Яко подобáет Тебé всякая слáва, честь и покло-
нёние, Отцú, и Сýну, и Святому Дúху, ныне и прíсно, и во вéки векóв.

Лик: Амíнь.

Диакон: Пáки и пáки, мíром Гóсподу помóлимся.

Лик: Гóсподи, помíлуй.

**(Когда священник служит без диакона, он следующих [четырёх] проше-
ний не произносит)**

[О свýшнем мíре и спасéнии душ нáших, Гóсподу помóлимся.

О мíре всегó мíра, благостóянии святýх Бóжиих церквéй и соединéнии всех,
Гóсподу помóлимся.

О святém хрáме сем и с вéрою, благоговéнием и стрáхом Бóжиим входящих в
онь, Гóсподу помóлимся.

О избáвиться нам от всякия скóрби, гнёва и нýжды, Гóсподу помóлимся.]

Заступí, спасí, помíлуй и сохрани нас, Бóже, Твоёю благодáтию.

Лик: Гóсподи, помíлуй.

Диакон: Премúдрость.

Священник возглашает: Яко да под держáвою Твоёю всегда храними, Тебé
слáву возсылаём, Отцú, и Сýну, и Святому Дúху, ныне и прíсно, и во вéки ве-
кóв.

Лик: Амíнь.

И открываются Царские врата.

Херувимская песнь

Лик: Ёже Херувíмы тáйно образующе и животворящей Трóице Трисвятúю
песнь припевающе, всякое ныне житéйское отложím попечéние.

Великий вход

Диакон: Великаго господíна и отцá нáшего Кирилла, Святéйшаго Патриáрха
Москóвскаго и всея Рýси, да помянёт Госпóдь Бог во Цáрствии Своём всегда,
ныне и прíсно, и во вéки векóв.

Священник: Преосвящённыя митрополíты, архиепíскопы и епíскопы, и весь
свящённый и монашеский чин, прíчет святáго хрáма сегó, и всех вас пра-

восла́вных христиа́н, да помяне́т Госпо́дь Бог во Ца́рствии Своём, всегда́, ны́не и прѣсно, и во ве́ки веко́в.

Лик: Аминь.

И заканчивает Херувимскую песнь: Яко да Царя́ всех поды́мем, а́нгельскими невидимо до́рино́сима чѣ́нми. Аллилу́иа, аллилу́иа, аллилу́иа.

Ектенія просительная

Диакон: Испóлним моли́тву на́шу Го́сподеви.

Лик: Го́споди, поми́луй.

Диакон: О предложѣнных Честныхъ Дарѣх, Го́споду помóлимся.

Лик: Го́споди, поми́луй.

Диакон: О святѣм хра́ме сем, и с ве́рою, благоговѣнием и стра́хом Бо́жиим входя́щих в о́нь, Го́споду помóлимся.

Лик: Го́споди, поми́луй.

Диакон: О изба́витися нам от вся́кия ско́рби, гнѣва и ну́жды, Го́споду помóлимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Тво́ею благода́тию.

Лик: Го́споди, поми́луй.

Диакон: Дне всего́ соверше́нна, свѣта, ми́рна и безгрѣшна у Го́спода про́сим.

Лик: Подáй, Го́споди.

Диакон: А́нгела ми́рна, ве́рна наста́вника, храните́ля душ и телѣс на́ших у Го́спода про́сим.

Лик: Подáй, Го́споди.

Диакон: Прощѣния и оставлѣния грехо́в и прегрѣше́ний на́ших у Го́спода про́сим.

Лик: Подáй, Го́споди.

Диакон: Дóбрых и полѣзных душáм нашим, и ми́ра мірови у Го́спода про́сим.

Лик: Подáй, Го́споди.

Диакон: Прóчее вре́мя живото́а на́шего в ми́ре и пока́янии сконча́ти у Го́спода про́сим.

Лик: Подáй, Го́споди.

Диакон: Христиа́нския кончи́ны живото́а на́шего, безболѣзненны, непосты́дны, ми́рны и дóбраго отвѣта на стра́шнем суди́щи Христóве про́сим.

Лик: Пода́й, Го́споди.

Диакон: Пресвяту́ю, Пречисту́ю, Преблагословенну́ю, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себ́е и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

И священник возглашает: Щедро́тами Единоро́днаго Сы́на Твоего́, с Ни́мже благослове́н еси́, со Пресвяты́м и Благо́м и Животворя́щим Твои́м Ду́хом, ны́не и при́сно, и во ве́ки веко́в.

Лик: Ами́нь.

Священник: Мир всем.

Лик: И ду́хови твоemú.

Диакон: Возлю́бим друг дру́га, да единомы́слием испове́мы.

Лик: Отца́, и Сы́на, и Свята́го Ду́ха, / Трои́цу единосущную́ / и неразде́льную.

Диакон: Две́ри, две́ри, премудростию вон́мем.

Символ веры

Народ: Ве́рую во еди́наго Бо́га Отца́ Вседержи́теля, Творца́ не́бу и землі́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ рождённаго пре́жде всех век. Све́та от Све́та, Бо́га и́стинна от Бо́га и́стинна, рождённа, несотворённа, единосущна́ Отцу́, И́мже вся бы́ша. Нас ра́ди челове́к и на́шего ра́ди спасе́ния сше́дшаго с небес и воплоти́вшагося от Ду́ха Свя́та и Мари́и Де́вы и вочелове́чшася. Распя́таго же за ны́ при Понти́йстем Пилáте, и страда́вша, и погребённа. И воскресе́шаго в тре́тий день по Писáнием. И возше́дшаго на небеса́, и сидя́ща одесну́ю Отца́. И па́ки грядуща́го со сла́вою суди́ти живы́м и ме́ртвым, Егóже Ца́рствию не бу́дет конца́. И в Ду́ха Свята́го, Го́спода, Животворя́щаго, И́же от Отца́ исходя́щаго, И́же со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Собо́рную и Апóстольскую́ Це́рковь. Испове́дую еди́но креще́ние во оставле́ние грехо́в. Чаю́ воскресе́ния ме́ртвых, и жи́зни бу́дущаго ве́ка. Ами́нь.

Святое Возношение

Диакон: Стáнем до́бре, стáнем со стра́хом, вон́мем, свято́е возноше́ние в ми́ре приноси́ти.

Лик: Милость мира, / жертву хваления.

Священник возглашает, благословляя народ: Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

Лик: И со духом твоим.

Священник: Горé имéим сердца́.

Лик: И́мамы ко Го́споду.

Священник: Благодарим Господа.

Лик: Достóйно и прáведно есть / поклоня́ться Отцу́ и Сы́ну, и Свято́му Ду́ху, / Трóице единосущней и нераздельней.

Возвышая голос и делая звездицей знак креста над диском: Победную песнь поюще, вопиюще, взывающе и глаголюще.

Лик: Свят, свят, свят Господь Саваоф, / исполнь небо и земля славы Твоея; / осанна в вышних, / благословен Грядый во имя Господне, / осанна в вышних.

Возвышая голос: Примите, ядите, сие есть Тело Моё, еже за вы ломимое во оставление грехов.

Лик: Ами́нь.

Священник возвышая голос: Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

Лик: Ами́нь.

Священник (возвышая голос): Твоя от Твоих Тебе приносяще, о всех и за вся.

Лик: Тебе поём, / Тебе благословим, / Тебе благодарим, Господи, / и молим Ти ся, Боже наш.

И, взяв кадило, священник возглашает: Изрядно о Пресвятей, Пречистой, Преблагословенней, Славней Владычице нашей Богородице и Приснодеве Марии.

Достойно есть...

**Достойно есть яко воистинну блажити Тя, Богородицу, /
Присноблаженную и Пренепорочную и Матерь Бóга нашего.
/ Честнейшую Херувим и славнейшую без сравнения Сера-
фим, / без ислéния Бóга Слóва рóждшую, // сущую Бого-
рóдицу Тя величаем.**

И по окончании пения Достойно есть: или Задостойника, священник возглашает:

В пёрвых помяни, Гóсподи, великаго господина и отца нашего Кирилла, Святейшаго Патриарха Московскаго и всея Руси, ихже даруй святым Твоим церквам, в мире, целых, честных, здравых, долгоденствующих, право правящих слóво Твоея истины.

Лик: И всех, и вся.

Священник возвышая голос: И даждь нам едиными усты и едином сердцем славити и воспевати пречестное и великолепое имя Твое, Отца, и Сына, и Святаго Духа, ныне и присно, и во веки веков.

Лик: Амьнь.

Священник, обратившись к Царским вратам и благословляя народ возглашает:

И да будут милости великаго Бóга и Спаса нашего Иисуса Христа со всеми вами.

Лик: И со духом твоим.

Ектения просительная

Диакон: Вся святыя помянуvше, паки и паки миром Гóсподу помóлимся.

Лик: Гóсподи, помилуй.

Диакон: О принесенных и освященных Честных Дарех, Гóсподу помóлимся.

Лик: Гóсподи, помилуй.

Диакон: Яко да человеколюбец Бог наш, прием я во святый и пренебесный и мысленный Свой жертвенник, в воню благоухания духовнаго, возниспóслет нам Божественную благодать и дар Святаго Духа, помóлимся.

Лик: Гóсподи, помилуй.

Диакон: О избáвители нам от всякия скóрби, гнéва и нúжды, Гóсподу помóлимся.

Лик: Гóсподи, помíлуй.

Диакон: Заступí, спасí, помíлуй и сохрани нас, Бóже, Твоёю благодáтию.

Лик: Гóсподи, помíлуй.

Диакон: Дне всегó совершенна, свyта, мíрна и безгрéшна, у Гóспода прóсим.

Лик: Подáй, Гóсподи.

Диакон: А́нгела мíрна, вёрна наста́вника, хранíтеля душ и телéс нáших, у Гóспода прóсим.

Лик: Подáй, Гóсподи.

Диакон: Прощéния и оставлéния грехóв и прегрешéний нáших, у Гóспода прóсим.

Лик: Подáй, Гóсподи.

Диакон: Дóбрых и полéзных душáм нашим, и мíра миру, у Гóспода прóсим.

Лик: Подáй, Гóсподи.

Диакон: Прóчее врéмя животá нáшего в мíре и покая́нии скончáти, у Гóспода прóсим.

Лик: Подáй, Гóсподи.

Диакон: Христиáнския кончíны животá нáшего, безболéзненны, непосты́дны, мíрны, и дóбраго отвéта на стра́шнем судíщи Христóве прóсим.

Лик: Подáй, Гóсподи.

Диакон: Соединéние вéры и причáстие Святáго Дúха испросíвше, сáми себé, и друг дрúга, и весь живóт наш Христú Бóгу преда́дим.

Лик: Тебé, Гóсподи.

Священник возглашает: И сподóби нас, Влады́ко, со дерзновéнием, неосудéнно смéти призывáти Тебé, Небéснаго Бóга Отцá, и глаго́лати.

Отче наш

Народ: Отче наш, Ёже есí на небесéх, да святíтся ёмя Твоё, да прíдет Цáрствие Твоё, да бúдет воля Твоя́, я́ко на небесí и на землí. Хлеб наш насущный да́ждь нам днесь; и оста́ви нам дóлги нáша, я́коже и мы оставляем должникóм нáшим; и не введí нас во искушéние, но избáви нас от лука́ваго.

7 февраля 2026. Святитель Григорий Богослов

И священник возглашает: Яко Твоя держава, и Твое есть Царство и сила и слава, Отца и Сына и Святаго Духа, ныне и присно и во веки веков.

Лик: Аминь.

Священник: Мир всем.

Лик: И духови твоему.

Диакон: Главы ваша Господеви приклоните.

Лик: Тебе, Господи.

Священник возглашает: Благодаритию, и щедротами, и человеколюбием Единородного Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Лик: Аминь.

Диакон возглашает: Вонмем.

Священник же, вознося Святой Хлеб, возглашает: Свята́я святы́м.

Лик: Един свят, / един Господь, / Иисус Христос, / во славу Бога Отца. / Аминь.

Причастны

Причастен свт. Григория Богослова, архиепископа Константинопольского
В память вечную будет праведник, от слуха зла не убоится.

В субботу всем святым

Радуйтеся, праведнии, о Господе, правым подобает похвалá.

Аллилу́иа. Аллилу́иа. Аллилу́иа.

Причащение народа в храме

И открываются Царские врата. Диакон, сотворив поклон, берет св. Потир и, выходя Царскими вратами, возвышает св. Потир, показывая его народу и возглашая: Со страхом Божиим и верою приступите.

Лик: Благословен Грядый во имя Господне, / Бог Господь и явися нам.

Перед причастием верных священник по обычаю читает молитвы: Вѣрую, Гóсподи, и исповѣдую, яко Ты еси воистинну Христóс, Сын Бóга живáго, пришѣдый в мир грѣшныя спасти, от нѣхже пѣрвый есмь аз. Ещѣ вѣрую, яко сие есть сáмое пречѣистое Тѣло Твое, и сия есть сáмая честнáя Кровь Твоя. Молюся ўбо Тебѣ: помилуй мя и прости ми прегрешѣния моя, вóльная и невóльная, яже слóвом, яже дѣлом, яже вѣдением и невѣдением, и сподóби мя неосуждѣнно причастит́ся пречѣистых Твоѣх Таинств, во оставлѣние грехóв и в жизнь вѣчную. Амѣнь.

И затем: Вѣчери Твоея тайныя днесь, Сыне Бóжий, причáстника мя приими; не бо врагом Твоим тайну повѣм, ни лобзáния Ти дам, яко Иўда, но яко разбóйник исповѣдаю Тя: помяни мя, Гóсподи, во Цáрствии Твоём.

Да не в суд или в осуждѣние б́дет мне причащѣние Святых Твоѣх Таин, Гóсподи, но во исцелѣние души и тѣла.

И приступают желающие причаститься один за другим, поклоняясь со всяким благоговением и страхом, имея руки, сложенными на груди. И принимает каждый Божественные Тайны. Священник же, причащая каждого произносит:

Причащáется раб Бóжий, (*имярек*), честнáго и святáго Тѣла и Крóве Гóспода и Бóга и Спáса нáшего Иисýса Христа, во оставлѣние грехóв своих и в жизнь вѣчную.

И диакон отирает ему губы платом. Затем причастившийся целует святую Чашу и с поклоном отходит. И так причащаются все.

Во время причащения по обычаю поем: Тѣло Христóво приими́те, / Источника безсмѣртнаго вкуси́те.

По причащении

Священник же благословляет народ, возглашая: Спаси́, Бóже, лю́ди Твоя́, и благослови́ достоя́ние Твое́.

Лик же поет: Вѣдехом свет ѣстинный, / прияхом Дýха Небѣснаго, / обретóхом вѣру ѣстинную, / нераздѣльней Трóице поклоня́емся, / Та бо нас спасла́ есть.

Священник тайно: Благословѣн Бог наш:

Возвышая голос и показывая народу св. Чашу: Всегда́, ны́не и прѣсно, и во вѣки веко́в.

Лик: Амѣнь. Да исполняются уста наша / хваления Твоего Господи, / яко да поем славу Твою, / яко сподобил еси нас причаститься / Святым Твоим, Божественным, бессмертным и животворящим Тайнам, / соблюди нас во Твоей святости / весь день поучатися правде Твоей. / Аллилуиа, аллилуиа, аллилуиа.

Диакон же, выйдя северными вратами и став на обычном месте, произносит ектению:

Прости приемше Божественных, святых, пречистых, бессмертных, небесных и животворящих, страшных Христовых Таин, достойно благодарим Господа.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

Лик: Тебе, Господи.

Возгласение: Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Амѣнь.

Священник: С миром изыдем.

Лик: О имени Господни.

Диакон: Господу помолимся.

Лик: Господи, помилуй.

Молитва заамвонная, произносимая вслух

Священник: Благословляяй благословящия Тя, Господи, и освящаяй на Тя уповающия, спаси люди Твоя и благослови достояние Твое, исполнение Церкви Твоея сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священником, воинству и всем людем Твоим. Яко всякое даяние блага, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

Лик: Амѣнь.

Таже: Буди ѣмя Господне благословено от ныне и до века. **Трижды.**

Священник же по окончании же пения возглашает:

Благословение Господне на вас, Того благодатию и человеколюбием, всегда, ныне и присно, и во веки веков.

Лик: Амѣнь.

Священник: Слава Тебѣ, Христѣ Божѣ, упование наше, слава Тебѣ.

Лик: Слава Отцу и Сыну и Святому Духу, и ныне и присно и во веки веков. Амѣнь. Господи, помилуй, **(трижды)**. Благословѣ.

Отпуст

Христос Истинный Бог наш, молитвами Пречистой Своей Матере, иже во святых отцов нашего Иоанна, архиепископа Константина града, Златоустаго, свт. Григория Богослова, архиепископа Константинопольского, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святѣйшаго Патриарха Московскаго и всея Руси, / богохранѣмую страну нашу Россійскую, / настоятеля, братию и прихожан святаго храма сего, / и вся православныя христианы, / Господи, сохрани их на многая лета.